



Orkufjarskipti hf.
Krókhálsi 5c
110 Reykjavík

Hornafirði, 21. apríl 2021
nr. erindis 202102073

Málefni: Framkvæmdaleyfi - ljósleiðari frá Skaftárhreppi að Skaftafelli

Nafn framkvæmdaraðila: Orkufjarskipti hf

Staðsetning framkvæmdar:

Frá sveitarfélagsmörkum á Skeiðarársandi við Gýgjukvísl yfir Skeiðarársand að tengistað við gatnamót að Þjóðgarðinum í Skaftafelli

Umfang framkvæmdar: Lögnin mun liggja sunnan við vegi nr.1 yfir sandinn að mestum hluta utan við veghelgunarsvæði Vegagerðarinnar. Á Skeiðarársandi verður strengurinn lagður í brýrnar yfir Núpsvötn og Gýgjukvísl. Heildarvegalengd er 41.4 km. Þar af eru 24.2 km í sveitarfélaginu Hornafirði. Þar sem birkiskógurinn á sandinum verður þveraður verður línin innan veghelgunar á 1 km kafla, sjá umsögn skógræktarinnar og PDF loftmynd 2.

Samantekt yfir lýsingu og frágangi framkvæmdar:

Ljósleiðarastrengurinn sem er 16mm að þvermáli verður plægður beint í jörðu, en settur í 32mm hlífðarröri þar sem það á við. Tengibrunnar verða 5 talsins í sveitarfélaginu. Gengið verður þannig frá brunnunum að þeir falli sem best inn í það umhverfi sem þeir eru í. Búið er að mæla og merkja ætlaða lagnaleið. Við leiðarvalið var tekið mið af landslagi og forðast var eftir megni að fara um viðkvæm svæði. Fyrir liggur samþykki landeigenda, Vegagerðarinnar, umsögn Minjastofnunar, og umsögn Skógræktarinnar. Ekki var talið að leita þyrfti umsagnar Umhverfisstofnunar þar sem lögnin liggur ekki um verndar- eða friðlýst svæði og er einnig utan við Þjóðgarðinn. Plægingin verður framkvæmd með jarðýtu á flotbeltum og eins verður beltagrafa sem fer á eftir og lokar plógfarinu. Öll ummerki framkvæmdarinnar á yfirborði verða lagfærð. Sáð verður í þau jarðvegssár sem verða í grónu landi og einnig verður lögð rík áhersla á vandaðan frágang þar sem strenglöggnin þverar ár og læki. Ummerki munu hverfa að mestu á einu sumri.



Eftirlitsaðili framkvæmdar:

Umhverfis- og skipulagsstjóri Hornafjarðar fer með eftirlit fyrir hönd sveitarfélagsins Hornafjarðar en er heimilt að ráða til þess sérstakan eftirlitsaðila.

Skilyrði framkvæmdar:

- Að framkvæmd sé í samráði við landeigendur og viðhöfð sé góð umgengni um framkvæmdasvæðið.
- Leitast verði við að takmarka framkvæmdasvæði, umferð véla og rask eins og kostur er.
- Umhverfis- og skipulagsstjóri verði upplýstur þegar framkvæmdir hefjast.
- Umhverfis- og skipulagsstjóri verði boðaður á framkvæmdasvæði við lok framkvæmda.
- Að samráð sé haft við leyfisveitanda ef nokkrar breytingar verið á framkvæmdinni.
- Við sáningu í sár við frágang verði notuð fræ í samræmi við staðargróður.
- Verktökum verði gerð grein fyrir staðsetningu fornleifa skv. umsögn Minjastofnunar 65:1 (gerði), túngarður 64 við Rauðaberg og engjagarður 59 og að ef nauðsynlegt reynist að hnika til leiðinni verði það gert í samráði við Minjastofnun.
- Farið verði að skilmálum Vegagerðarinnar m.a. um merkingar og tilnefna ábyrgðarmann sem hefur sótt viðurkennd námskeið.

Framkvæmd þessi skal vera í samræmi við:

- Framkvæmdaleyfi vegna ljósleiðara frá Skaftárhreppi að Skaftafelli
- Reglugerð um framkvæmdaleyfi nr. 772/2012
- Skipulagslög nr. 123/2010
- Aðalskipulag Sveitarfélagsins Hornafjarðar 2012-2030
- Framlögð gögn vegna framkvæmdaleyfisumsóknar:
 - Ósk um framkvæmdaleyfi, dags. 18.02.2021.
 - Gögn með umsókn um framkvæmdaleyfi,
 - Skeiðarársandur mynd 1, dags. loftmynd dags. 15.02.2021.
 - Skeiðarársandur mynd 3, dags. loftmynd dags. 15.02.2021.
 - Skeiðarársandur mynd 1, dags. loftmynd dags. 15.02.2021.
 - Umsögn MÍ
 - Leyfisbréf Vegagerðarinnar, dags. 6.8.2020.
 - Yfirlýsing landeiganda, dags. 20.05.2020.

Útgáfa framkvæmdaleyfis:

Framkvæmdaleyfi er gefið út með fyrirvara um að upplýsingar berist um þá hluti sem sem tilgreindir eru hér að ofan.

Framkvæmdaleyfið er gefið út skv. 13. gr. Skipulagslaga nr. 123/2010 og var samþykkt í bæjarstjórn þann 11. mars 2021. Framkvæmdin hefur fengið málsmeðferð skv. 3. mgr. 44. gr. skipulagslaga þar sem hún var kynnt fyrir Vegagerðinni og Minjastofnun sem gera ekki athugasemdir við hana.




Dagsetning samþykktar leyfisveitenda á framkvæmdaleyfi var 11. mars 2021 og rennur framkvæmdaleyfið út þann 11. mars 2022 sé framkvæmd ekki hafin.

Vakin er athygli á að framkvæmdaleyfi á að vera til staðar á framkvæmdastað og eftirlitsaðili getur kallað eftir leyfi við eftirlit.

Einnig er vakin athygli á að framkvæmdaleyfi er kæránlegt til úrskurðarnefndar umhverfis- og auðlindamála og er kærufrestur til 20. maí nk. Ef framkvæmd hefst áður en frestur er útrunninn gerir framkvæmdaaðili það á eigin ábyrgð.

Gjald fyrir framkvæmdaleyfi er 90.000 kr.

Virðingarfyllst


Brynja Dögg Ingólfssdóttir
umhverfis- og skipulagsstjóri
Sveitarfélagsins Hornafjarðar



